



## MAS-CHALCH

Infuormaziun a regard il Mas-chalch da Sent

- Cumpara tanter ils 20 e 25 da mincha mais.
- Ils texts ston gnir tramiss o dats giò fin ils 15 dal mais a Mina Mader [madertrans@bluewin.ch](mailto:madertrans@bluewin.ch)
- Il mas-chalch dess gnir pichà oura e distribui in lös publics. El po gnir retrat in seguaints lös: büro da turissem, butia da Plaz, furnaria Benderer, bacharia Hatecke, furnaria Clalüna, Grotta da Cultura e butia Schlerin Cafè creativ.
- Ils texts ston esser scrits in rumantsch (ev. rumantsch e tudais-ch) e nu das-chan esser massa lungs.
- Per societats sun las publicaziuns gratuitas, per privats cuosta frs. 20.-.
- Ils texts pel mas-chalch vegnan ramassats da Mina Mader. Scha pussibel giavüschaina texts in fuorma digitala.

## ARRANDSCHAMAINTS

Societats chi vöglan publichar arrandschamaints han seguaintas pussibilitats:

- Mas-chalch da Sent : tenor infuormaziuns sülla prüma pagina
- Pagina dad internet [www.sent-online.ch](http://www.sent-online.ch): annunzchas per mail a Cla Rauch, [cla.rauch@bluewin.ch](mailto:cla.rauch@bluewin.ch)
- Chalender d'arrandschamaints da la destinaziun turistica:

[www.engadin.com](http://www.engadin.com) => "Allegra das Veranstaltungsmagazin" => Veranstaltungen erfassen opür

<https://www.engadin.com/de/planen-buchen/allegra-veranstaltungsmagazin>

Quellas occurrenzas vegnan publichadas eir ill'Allegra, schi sun annunzchadas avant il termin da la fin da redacziun da l'Allegra.

## AVIS - Adöver chaistas nairas

Il cumün da Scuol nun ha plü adöver pellas chaistas nairas. Societats chi lessan publichar lur occurrenzas ed infuormaziuns illas chaistas nairas pon manar avis in fuormat A4 pro Mina Mader adüna il marcurdi. Ils avis vegnan plazzats adüna la gövgia illas chaistas nairas.

**SOCIETÀ D'ÜTIL PUBLIC – concerts illa baselgia da Sent** - <https://sent-concerts.ch/konzerte>  
Ingüna reservaziun da plazzas - la chascha es averta ün'ura avant il concert.

**Sonda, als 1. gün 2024, a las 17.00, collecta**

## QUATTER STAGIUNS

Vuschs d'Engiadina, Duri Janett-dirigent, Rudolf Lutz-musicist

Vuschs d'Engiadina es ün cor masdà da senioras e seniors chi chantan in prüma lingia per l'agen plaschair ed occasiunmaing eir pel plaschair dal public. Rudolf Lutz, cuntschaint musicist da St. Gallen accompogna il cor Vuschs d'Engiadina cun lur dirigent Duri Janett da Tschlin in occasiun d'ün di da chant a Sent.

**Dumengia, als 9 gün 2024, a las 17.00, CHF 25.-**

## „AND THEN SHE WROTE“ – POETRY GOES JAZZ

Sco introducziun suna Alexandra Meng – clavazin/chanzuns

Sonja Indin – vocals, RomanTulei – clavazin, Fridolin Blumer – bass, Peter Preibisch – drums.

„Words can seriously affect your heart!“ Quista admoniziun ha fuormulà Elma Mitchell, la scriptura lirica.

Sonja Indin interpretescha poesia feminila cun clings da jaz. »*And then she wrote*« (seguaint George Shearing) - clingia quai uschea scha jaz es inspirà da lirica feminina?

**Sonda, als 22 gün 2024, a las 17.00, CHF 25.-**

**OKAVANGOS FEST UND DIE REISE INS TRAULAND**

Lorenzo Polin – raquintader, cor d'uffants – dirigenta: Rea Sendlhofer, Miriam Cipriani – flöta, Judith Huber – violina, Hansruedi Strahm – tüba, Stefano Sposetti – clavazin, Fabrizio Tognini – percussiun

Illustraziun: Inka Hagen

Co füssa cun ün viadi musical aint il pajais dals sömmis misterius? I tainta dad entrar in ün muond musical miraculus cun flöta, violina, tüba, clavazin e percussiun sunà da scolaras e scolars cun magistras e magisters da la scoula da musica d'Engiadin'Ota San Murezzan.

**Dumengia, als 30 gün 2024, a las 20.15, CHF25.-**

**CONZERT DA L' ENSEMBLE ORPHEUS DA L'UCRAINA DA LVIV**

Ensemble vocal Orpheus, Lviv da l'Ucraina

Dirigent : Lubomyr Konchakivvsky

Ot chantadurs da professiun chantan cun lur stupendas vuschs in baselgias e salas da concert plainas. Lur repertuar cuntegna musica da la liturgia greca-ortodoxa, chanzuns popularas da l'Ucraina ed eir aignas cumposiziuns.

**GROTTA DA CULTURA** – infuormaziuns detagliadas i'l Allegra e suot <http://www.grottadacultura.ch>

**Galleria e bar-café / Galerie und Bar-Café**

**mardi e sonda / Dienstag und Samstag**

**17:00 -19:00**

**Nus ans allegrain da Lur visita!**

**Exposiziun Daniela Melberg**

"fil–surfatscha–fuorma" ogets textils a la paraid ed i'l spazi

Experimentond cun culurs, fuormas, tecnicas e materials as sviluppan ils ogets da Daniela Melberg.

Inspirats da la natüra dvaintan stoffas e fils da lana e da saida ogets per la paraid o pel spazi chi sun fieutrats, rechamats o plajats. Las ideas per otras lavurs pon però as sviluppar eir d'ürant il process da fuormaziun. L'exposiziun es averta la sonda ed il mardi, 17.00 – 19.00 fin 23-07-2024.

**Sensaziuns chi clingian! Concert**

Üna sairada da chansons scenic-musicala cun Elisabeth Trechslin (guitarra) e Christine Bachmann (chant).

**Venderdi, 07-06-2024 20.15** Grotta da cultura, Piertan CHF 25.00 / 20.00

"Ün potpourri dad istorgias chantadas sur da films in culur invlidats, amanta conservada in terpentin, duonnas chi mordrieschan e la gronda dumonda che chi's giavüschesch scha...?"

[www.elisabethtrechslin.ch](http://www.elisabethtrechslin.ch)

Davopro bar averta, e retuorn a chasa cul bus da cultura gratuit a Scuol, Tarasp, Ftan, Ardez.

**Co conquist eu il muond?**

Cabaret musical da e cun Klara Finck

**Sonda, 29-06-2024 20.15** Grotta da cultura, Piertan CHF 25.00 / 20.00

Klara Fink voul conquistar il muond cun ün orgel da man e cun furbazzaria. Ella picla oura da tuottasorts perspectives, staglia il muond "real" in tocs singuls e tils metta insembel in möd raffinà in seis agen univers: ün brüschöl davainta delegà per la pasch, ün macho feminist, o üna poppa da sex es cusgliadra da marketing dal papp. Quai tilla reuschischa cun seis chansons fantastics, cun seis talent sco actura e cun seis characters pregnants.

Tanter las sopchas, però tuottafat pro sai – l'inaspettà es pro Klara Finck adüna alch bel e d'aspettar in mincha cas! Comica chi rumpa il cour, fich empatic ed incredibel, ma vaira!

<https://klarafinck.com/> Foto: Paul Wellenhof

Davopro es la bar da la Grotta averta, e'l bus da cultura tils maina a Scuol, Tarasp, Ftan o Ardez (annunzchar a la cassa).

**CORPORAZIUN EVANGELICA SENT****Cults divins**

DUMENGIA, 2 GÜN

**Cult divin**

10.45, rumantsch, rav. Bettina Schönmann, Val Müstair

Orgel: Rudolf Lutz

DUMENGIA, 16 GÜN

**Cult divin**

10.45, rumantsch, Seraina Guler, predichanta laica

Orgel: Pasquale Bonfitto

DUMENGIA, 30 GÜN

**Sinoda in Engiadin'ota**

10.00 Cult divin sinodal illa baselgia San Luzi a Zuoz

DUMENGIA, 30 GÜN

19.00 illa baselgia San Lurench a Sent

Eucharistiefeier

Pfr. Christof Willa

**Adressa:**

Barbla Buchli, Avant Baselgia 75, 7554 Sent

081 864 02 78, barbla.buchli@bluewin.ch

**GRUPPA DA TEATER SENT - Che capodovra!****Gö liber cun teater, musica, chant ed ustaria da festa a chaschun da 40 ons Gruppa da teater Sent**

Che capodovra! Uschè as nomna il gö liber chi'd es gnü scrit a chaschun dal giubileum da 40 ons Gruppa da teater Sent. Tanter ils 28 ed ils 30 gùn ed ils 4 e 7 lügl transfuorma la Gruppa da teater Sent la piazza da sport Palüzot in ün muond tuottafat magic e particular.

Plünavant daja avant mincha producziun da teater ün concert gratuit.

Ils concerts cumainzan a las 18:00, il teater a las 20:30.

Survista dals concerts:

28-06 Mi'amia

29-06 Cor d'uffants e giuvenils

30-06 Rümli Gäng

04-07 Chapella Tasna

05-07 Società da musica Sent

06-07 Thomas Kleinstein

07-07 Cinzia e Band

Daplü infuormaziuns e reservaziuns: [eventfrog.ch](http://eventfrog.ch)

code QR:

**GIUVENTÜM SENT - FESTA DALS ASENS**

Ils 22 gùn organisescha la Giuventüm Sent darcheu la Festa dals Asens in tenda sülla piazza da scoula.

